


0 10 20 30 40 50 60 70 80 90 100 110 120 130 140 150 160

3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31


Cyan
Green
Yellow
Red
Magenta
White
3/Color

Kodak Color Control Patches



1582514
408

图整库



關帝年譜
卷一

55574

咸豐辛亥秋鐫

關帝年譜

4920.535
7717

關帝年譜

平湖柯汝霖編

桓帝延禧三年庚子帝生

帝諱口字雲長本字長生見蜀志本傳夏大夫關龍逢之裔

唐書宰相世系表關氏出自夏大夫關龍逢後蜀前將軍漢壽亭侯口生侍中興其後世居信都

汝霖謹案高陽氏之後董甫以豢龍事虞封於豳川別為豳裔更為關龍見羅泌路史則帝為高陽苗裔矣

曾祖光昭公祖裕昌公父成忠公世有隱德居河東解州常平邨

關帝年譜

55574

王朱旦關聖帝君祖墓碑記。帝祖石磐公諱審。字問之。以漢和帝永元二年庚寅生。居解梁常平邨寶池里五甲公冲穆好道。研究易傳春秋。絕意進取。去所居之五里許。得芬場一片淨土。誅茅絃誦。以春秋易訓子數十年。絕塵市軌迹。至桓帝永壽二年丁酉終。壽六十八。子諱殺。字道遠。篤孝有至性。具窳窳於所讀書處。其地適當條之至中。羣峯交擁。李瑤修廟記。常平南面中條北負。離池山川靈秀。實鍾異人。一洩於風。丘積千百餘歲。再發於帝。道遠公廬墓號踊。終喪歸邨居。已為桓帝延禧二歲。明年庚子生聖帝。

汝霖謹案聖祖聖父諱字。史傳無聞。康熙十七年戊午。常

平塲廟有濬井者。得巨磚。字頗斷裂。合讀即帝考奉祀厥考之主。中紀死生甲子。并兩世字諱大略。時鄞山王昇。葺為解梁州守。據此以撰碑記。可補史傳之闕。

帝以五月十三日生邑里之居第

祖墓碑記云。六月廿四日生聖帝。

汝霖謹案聖誕不見史傳。元郝文忠始有夏五月十三日秋九月十三日。大為祈賽之說。明太祖建廟金陵。因定制五月十三日。為帝生辰。載在會典。荆楚之人。以帝五月十三日生。聖嗣亦五月十三日生。是日朝拜祭賽者。遠近輻輳。惟祖墓碑記作六月廿四日。今從郝氏說。而并附識於下。以俟攷。

四年辛丑二歲

昭烈帝生

諱備字元德涿州人

汝霖謹案昭烈年六十三崩在章武三年癸卯其生則延禧四年辛丑歲也是帝長昭烈一歲

五年壬寅三歲

六年癸卯四歲

七年甲辰五歲

八年乙巳六歲

九年丙午七歲

永康元年丁未八歲

張桓侯生

諱飛字翼德涿州人

汝霖謹案吳鶴林集曰蜀人才有志事功而年皆不永歷數龐統法正馬超桓侯及武侯之年而於桓侯則曰年五十以此考之桓侯先昭烈二年卒即章武元年歲辛丑也桓侯之生蓋熹平元年壬子歲自壬子至辛丑實五十年然考帝至涿郡與桓侯同事昭烈在靈帝末年癸亥據井磚考之時帝年二十有四若桓侯生於熹平元年壬子則自壬子以至癸亥桓侯僅十二歲似不應如斯之幼陳壽作桓侯傳第曰公年長數歲侯以兄事之壽所載止此其年歲皆漏落不書曲禮曰十年以長則兄事之聖帝年長

於桓侯數歲所謂數歲者不及十年不過五六年及六七年之長耳今以桓侯之生繫於是年之下則自丁未至壬子實年五十六而當與帝同事昭烈蓋年已十七也

靈帝建寧元年戊申九歲

二年己酉十歲

三年庚戌十一歲

四年辛亥十二歲

熹平元年壬子十三歲

二年癸丑十四歲

三年甲寅十五歲

研究易象春秋

虞溥江表傳公長而好學讀左傳畧皆上口

祖墓碑記帝生而英奇雄駿既受春秋易旁通淹貫以古

今事為身任

四年乙卯十六歲

五年丙辰十七歲

六年丁巳十八歲

娶聖配胡氏

祖墓碑記稍長娶胡氏

汝霖謹案萬歷四十二年封夫人為九靈懿德武肅英皇

后

光和元年戊午十九歲

五月十三日子平生

祖墓碑記靈帝光和元年五月十三日子平生

及霖謹案聖嗣於萬曆四十二年封竭忠王

二年己未二十歲

詣郡陳事不報

祖墓碑記帝年弱冠謝父母曰兒已有後足奉祖禰今漢室將燼盈廷觚稜輻邪誰爲扶紅日照人心者遂詣郡陳時事不報有相人目之曰君稟乾坤正氣當血食萬年何

論名業

避難出亡聖父聖母俱自沈於井

祖墓碑記帝歸旅舍聞鄰人哭極哀叩之曰韓守義也遭郡豪呂熊荼毒呂黨連七姓黠猾事中璫茂職紀帝命守義導至七所悉斬之潛引去意郡守稔羣惡必原義士勿引繩批根而有司憚文法遽追求之於是道遠公暨配淹芳腐井

徐作常平重修關帝廟記距州東二十里常平邨父老相傳卽帝舊居有塢屹立塢下有井帝避難出亡父母沈葬於內後人立塢以表之

聖配偕其子避母族免

祖墓碑記夫人胡氏抱平避母族免

汝霖謹案自此至癸亥五年並轉徙無定處

三年庚申二十一歲

四年辛酉二十二歲

諸葛武侯生

諱亮字孔明
瑯琊陽都人

五年壬戌二十三歲

六年癸亥二十四歲

帝至涿郡與張桓侯並事昭烈

蜀志本傳亡命奔涿郡先主於鄉里合徒眾

蜀志先主傳
中山大商張

世平蘇雙等取馬周旋於涿郡見而異之乃多與之金財由是得用合徒眾而公與張翼德為之禦侮先主與二人寢則同牀恩若兄弟而稠人廣坐侍立終日

汝霖謹案昭烈為中山靖王之後具英姿有大志帝與桓侯擇而事之誓扶漢室可謂有見矣至本傳稱云恩若兄弟而後人乃有桃園結義之說考此事雖不見正史然帝之言曰吾受劉將軍厚恩誓以共死不可背之而劉子揚與魏羣臣論昭烈報吳云公死不能為興軍報敵於終始之分不足則事誠有之矣

中平元年甲子二十五歲

陽平年記
討黃巾賊大破之從昭烈赴安喜

蜀志先主傳靈帝末黃巾起州郡各舉義兵先主帥其屬
從校尉鄒靖討黃巾賊有功除安喜尉司馬彪九州春秋
以軍功爲中山安
喜督郵以公事到縣先主求謁不通道入縛督郵杖二百
解綬繫其頸著馬柳棄官亡命

汝霖謹案本傳云隨先主周旋不避艱險據此則知昭烈
討黃巾皆帝與桓侯爲之陳力也

二年乙丑二十六歲

三年丙寅二十七歲

四年丁卯二十八歲

五年戊辰二十九歲

六年己巳三十歲

帝隨昭烈在京師復還沛

王粲英雄記靈帝末年先主嘗在京師復與曹操俱還沛
國募召合衆

汝霖謹案何進召四方猛將使並引兵向京師誅諸宦官
昭烈應募至京師而進爲中常侍張讓等矯詔所殺董卓
專恣昭烈復與帝等還沛

獻帝初平元年庚午三十一歲

從昭烈起兵討董卓

英雄記會靈帝崩天下大亂先主亦起軍從討董卓
汝霖謹案是時曹操與韓馥孔伋劉岱王匡袁紹張邈橋
瑁袁遺鮑信等同時俱起兵討卓衆各數萬

二年辛未三十二歲

昭烈依公孫瓚瓚表爲平原令領平原相帝及桓侯爲別
部司馬

本傳先主爲平原相以關張爲別部司馬胡氏琦曰玉泉

一亦刻文曰別部分統部曲漢制將軍領軍皆有部曲

趙順平侯諱雲字子龍常山人亦從至平原主騎兵

三年壬申三十三歲

從昭烈屯高唐

魏志武帝紀袁術與紹有隙術求援於公孫瓚瓚使先主
屯高唐以逼紹

四年癸酉三十四歲

曹操攻徐州牧陶謙帝從昭烈往救之屯小沛

先主傳袁紹攻公孫瓚先主與田楷東屯齊曹操征徐州
徐州牧陶謙遣使告急於田楷楷與先主俱救之時先主
自有兵千餘人及幽州烏丸雜胡騎又略得饑民數千人
既到謙以丹陽兵四千益先主先主遂去楷歸謙謙表先
主爲豫州刺史屯小沛

興平元年甲戌三十五歲

從昭烈屯鄴會陶謙死昭烈領徐州牧

武帝紀興平元年夏復征陶謙拔五城遂略地東海還過鄴謙將會豹與先主屯鄴冬十月陶謙死先主代之

二年乙亥三十六歲

呂布爲曹操所敗走歸昭烈

建安元年丙子三十七歲

昭烈拒袁術於淮陰留張桓侯守下邳呂布襲下邳昭烈求和於布自屯小沛遣帝守下邳

先主傳袁術來攻先主先主拒之於盱眙淮陰曹操表先

主爲鎮東將軍封宜城亭侯是歲建安元年也先主與術相持經月呂布乘虛襲下邳下邳守將曹豹反間迎布布虜先主妻子先主求和於呂布布還其妻子先主遣關公守下邳先主還小沛

英雄記先主留張翼德守下邳引兵與袁術戰於淮陰石亭更有勝負陶謙故將曹豹在下邳翼德欲殺之豹衆堅營自守使人招呂布布取下邳翼德敗走先主聞之引兵還北至下邳兵潰收散卒東取廣陵與袁術戰又敗先主欲還小沛遂使吏請降布布令先主還州并勢擊術

王沈魏書諸將謂布曰元德數反覆難養宜早圖之布不

陽守年譜
聽以狀語先主先主心不安而求自託使人說布求屯小沛布乃遣之

汝霖謹案昭烈連和於布之後仍還小沛而遣帝守下邳先主傳於還小沛之下云復合兵得萬餘人呂布惡之自出兵攻先主先主敗走歸曹操以爲豫州牧此悞也呂布復攻昭烈在建安三年觀呂布傳昭烈既屯小沛布自稱徐州刺史此元年事下卽歷叙射戟絕婚等事是還小沛之年布並不與昭烈攻戰昭烈亦未嘗歸操也

二年丁丑三十八歲

楊奉韓暹寇略徐揚間昭烈遣帝與桓侯邀斬之

魏志董卓傳暹奉不能奉王法各出奔寇徐揚間爲先主所殺

汝霖謹案英雄記先主誘奉與相見因於坐上執之暹失奉勢孤時欲走還并州爲枏秋屯帥張宣所邀殺二說不同

三年戊寅三十九歲

呂布攻破昭烈於沛下邳失守帝隨昭烈歸曹操遂從擊布殺之

英雄記建安三年春布使人齎金欲詣河內買馬爲先主兵所抄布由是遣中郎將高順北地太守張遼等攻先主

九月遂破沛城先主單身走獲其妻息十月曹操自征布先主於梁國界中與曹操相遇遂隨操俱東征

汝霖謹案王隱蜀記載曹操與先主圍呂布於下邳是時帝身在行間則白門之禽帝與有力焉夫布亦國賊也帝之禽布其功當不在破黃巾討董卓下

昭烈從操還許操表為左將軍帝與桓侯隨至許

先主傳從曹操還許表為左將軍禮之愈重

四年己卯四十歲

昭烈與曹操共獵於許帝勸昭烈誅操不從

王隱蜀記初先主在許與曹操共獵獵中眾散公勸先主

殺操先主不從及在夏口飄飄江渚公怒曰往日獵中若從口言可無今日之困先主曰是時亦為國家惜之耳若天道輔正安知此不為福耶

汝霖謹案帝勸殺操深識遠見非明於春秋尊王之義者不及此夫武侯管蕭之亞至謂操曰此誠不可與爭鋒使當時從帝之言則炎祚中興安知不為有成之韓稚乎

十二月帝從昭烈擊袁術至下邳殺徐州刺史車胄昭烈還沛帝留守下邳行太守事

先主傳袁術欲經徐州北就袁紹曹操遣先主督朱靈路招要擊術魏志董昭傳昭曰元德勇而志大關張為之輔翼恐元德之心未可得論也操曰吾已許之矣

未至術病死。先主未出時，獻帝舅車騎將軍董承受帝衣帶中密詔，當誅曹操。先主未發，是時曹操從容謂先主曰：「今天下英雄，惟使君與操耳。本初之徒不足數也。」先主方食失匕箸，遂與承及長水校尉種輯將軍吳子蘭王子服等同謀會見，使未發。事覺，承等皆伏誅。事在建安五年。先主據下邳，靈等還先主，乃殺徐州刺史車胄，留關公守下邳。本傳守下邳城行太守事。魏書以公領徐州。而身還小沛。胡沖吳歷：曹操數遣親近密覘諸將有賓客酒食者，輒因事害之。先主時閉門，將人種蕪菁，曹操使人關門，既去，先主謂關張曰：「吾豈種菜者乎？」曹操必有疑意，不可復留其

夜開後棚，與翼德等輕騎俱去，所得賜遺衣服悉封留之，乃往小沛收合兵衆。

汝霖謹案：閉門種菜，或因操以英雄見推，而沐自韜晦，未可知也。會使擊袁術，方得遂其翩然遐舉之志，特非開棚遁逃，如沖所云耳。

五年庚辰四十一歲

曹操擊破昭烈，昭烈奔冀州。帝與操戰於下邳，爲操所得，拜爲偏將軍。

本傳：建安五年，曹操東征，先主奔袁紹。先主傳：曹操盡收其衆，虜先主妻子。曹操獲公以歸，拜爲偏將軍，禮之甚厚。

汝霖謹案曹操鬼蜮之姦不知禮義爲何物孔融楊彪皆
巨德元老操乃戮而囚之而獨於帝不敢加無禮焉蓋由
精忠血誠有以深服其心而折其氣也

四月帝助操解白馬圍表封爲漢壽亭侯

本傳紹遣其將軍顏良攻東郡太守劉延於白馬曹操遣
張遼及公爲先鋒擊之公望見良麾蓋策馬刺良於萬衆
之中斬其首還紹諸將莫能當者遂解白馬圍曹操即表
封公爲漢壽亭侯胡氏琦曰今關帝廟中有漢壽亭侯印一紐方二寸有奇其上大環徑四寸下連四環皆系印上即帝初封印也相傳宋紹興中洞庭漁人得之入於潭府以帝舊物歸之廟中洪氏隨筆記甚詳
帝既受拜以書報操

潘慶基古逸集帝書與操曰明公布大義於天下而速取自樹非口之所敢知若猶是漢也口敢不臣漢哉敢拜嘉命之辱

汝霖謹案操使帝與二后共室帝避嫌秉燭立侍至天明
陽節潘氏綱鑑總目以明燭達旦爲聖帝之大節今河南
許州城學東有聖帝大節亭即明燭達旦處河南志學東
有帝故宅俗云一宅分兩院即此

七月辭歸昭烈

本傳初曹操壯公爲人而察其心無久留之意謂張遼曰
卿試以情問之既而遼以問公公歎曰吾極知曹公待我

厚然吾受劉將軍厚恩誓以共死不可背之吾終不留要
當立效以報曹公乃去遼以公言報曹操曹操義之

傅子遼欲白操恐操殺公不白非事君之道乃歎曰公君
父也雲長兄弟耳遂白之操曰事君不忘其忠天下義士
也度何時能去遼曰雲長受公恩必立效報公而後去也
盡封其所賜遺拜書即行

本傳及公殺顏良操知其必去重加賞賜公盡封其所賜
拜書告辭而奔先主於袁軍

古逸集帝謝操書曰聞主憂臣辱主辱臣死曩所以不
死者欲得故主之音問耳今故主已在河北此心飛越神

已先馳惟明公幸少矜之于里追尋當不計利害謀生死
也子女玉帛之賜勒之存丹他日幸以旗鼓相當退俟三
舍意亦如重耳之報秦穆者乎口謝

左右欲追帝曹操止之

本傳左右欲追之曹操曰彼各爲其主勿追也

帝至官渡昭烈已往汝南

先主傳曹操與袁紹相拒於官渡汝南黃巾劉辟等叛曹
操應紹紹遣先主將兵與辟等略許下關公亡歸先主

曹操遣張遼留帝帝書與遼

古逸集帝與張遼書曰魯仲連東海之匹夫耳爲齊下士

然且恥不帝秦職爲通侯列漢元宰獨可使負漢耶子且休矣

并遺操書絕之

古逸集帝書與操曰劉豫州有言尉佗秦之小吏耳猶獨立不詭口啞啞飛鳴翔而後集寧甘志終小人下也使明公威德布於天下斡旋漢鼎窮海內外將拜下風慕高義矣獨口兄弟故語悚口載復

道遇周將軍

汝霖謹案將軍諱滄字海若曹斯棟碑版都城正陽門外關帝廟周將軍神牌署名作滄字海若滄或作倉史傳未載萬曆四十二年封威靈忠勇公

高樹程題漢壽亭侯玉印歌將軍海若得長侍青龍赤兔隨幽臺蓋指此也

至汝南致書張桓侯

米南宮集帝三與桓侯書曰操之詭計百端非口智縛安有今日將軍罪口是不知口也口不緣社稷傾危仁兄無情則以三尺劍報將軍使口異日無愧於黃壤間也三上翼德將軍死罪死罪

汝霖謹案米南宮帖有帝與桓侯書鄧刺史文明以意臨之刻石正陽門關廟當非偽作當日帝之歸曹桓侯不能無疑是帖乃其三上書其一二簡世不傳

六年辛巳四十二歲

從昭烈至荊州

本傳從先主就劉表

先主傳曹操既破紹自南擊先主先主遣糜竺孫乾與劉表相聞表自郊迎以上賓禮待之益其兵使屯新野

汝霖謹案帝自此年從至荊州至十三年劉景升死子琮降操始有當陽之役司馬彪九州春秋先主住荊州數年嘗於表坐起至廁見髀裏肉生慨然流涕曰吾嘗身不離鞍髀肉皆消今不復騎髀裏肉生日月若馳老將至矣而功業不建是以悲耳是帝隨昭烈在荊州蓋有七八年之

久也

七年壬午四十三歲

子興生

本傳興字安國少有令聞丞相諸葛武侯深器異之弱冠為侍中中監軍數歲卒

汝霖謹案祖墓碑記止記平而不及興據本傳云云則興之卒未及三十去臨沮毀敗之年亦無幾時耳以前後考之其生當在此時萬曆四十二年封顯忠王

八年癸未四十四歲

九年甲申四十五歲

蜀帝年譜

七

十年乙酉四十六歲

十一年丙戌四十七歲

帝隨昭烈敗夏侯惇於博望

先主傳表使拒夏侯惇于禁等於博望久之先主自燒屯
偽遁惇等追之爲伏兵所敗

十二年丁亥四十八歲

後主生

昭烈見諸葛武侯於隆中

蜀志諸葛武侯傳時先主屯新野徐庶謂先主曰諸葛孔
明者臥龍也將軍宜枉駕顧之遂詣武侯凡三往乃見

汝霖謹案武侯傳有先主與之情好日密關張等不悅云
云此陳氏之謬談今不錄陳氏又以帝驕於士大夫夫如
麋傅之倫特庸臣耳何足列於士大夫若諸葛伯仲伊呂
帝且敬而重之豈以昭烈之密契而有所不悅乎裴氏註
引袁子曰關張與先主俱起爪牙腹心之臣晚得諸葛武
侯以爲佐相而羣臣悅服孝尼此論可以匡陳志之失

十三年戊子四十九歲

帝隨昭烈屯樊九月曹操入荊州昭烈兵敗當陽帝將水
軍會於漢津

先主傳曹操南征表會表卒子琮代立遣使請降先主屯

樊不知曹操軍至。至宛乃聞之。遂將其衆去。過襄陽。州人多歸先主。比到當陽。衆十餘萬。輜重數千兩。日行十餘里。別遣關公乘船數百艘。使會江陵。曹操以江陵有軍實。恐先主據之。乃釋輜重。輕軍到襄陽。一日一夜行三百餘里。及於當陽之長坂。先主棄妻子走。斜趨漢津。適與公船會。得濟沔。

至夏口。昭烈遣諸葛武侯自結於孫權。

諸葛武侯傳。先主至於夏口。武侯曰。事急矣。請奉命求救於孫將軍。時權擁軍於柴桑。觀望成敗。武侯說權。權大悅。昭烈進住樊口。與周瑜相見。

江表傳。先主進住鄂縣之樊口。諸葛武侯詣吳未還。先主聞曹操軍下。恐懼。日遣邏吏於水次候望。權軍吏望見瑜船。馳往白先主。先主遣人慰勞之。瑜曰。有軍任不可得委署。儻能屈威。誠副所望。先主謂關張曰。彼欲致我。我今自結託於東。而不往。非同盟之意也。及乘單舸往見瑜。問曰。戰卒有幾。瑜曰。三萬人。先主曰。恨少。瑜曰。此自足用。豫州但觀瑜破之。

汝霖謹案。操下江陵。武侯說仲謀。首以帝水軍精甲萬人動之。并劉江夏戰士爲二萬。若公瑾所率。亦纔足三萬耳。帝水陸並進。破曹兵於赤壁。乘勝征降四郡。世乃以奇功。

盡屬之周郎乎孫盛謂江表傳是吳人欲專美之辭其說良是。

帝從破操軍於赤壁

先主傳權遣周瑜程普等水軍數萬與先主并力與曹操戰於赤壁大破之焚其舟船先主與吳軍水陸並進追到南郡時又疾疫北軍多死。

操從華容道步歸

山陽公載記操船艦爲先主所燒引軍從華容道步歸遇泥濘道不通天又大風悉使羸兵負草填之騎乃得過羸兵爲人馬所蹈藉陷泥中死者甚衆軍旣得出操大喜諸

將問之操曰劉元德吾儔也但得計稍晚向使早放火吾徒無類矣先主尋亦放火而無所及。

汝霖謹案小說有華容義釋一事帝之心認定正統二字觀許田露刃欲食其肉而寢其皮豈因一時隆禮遂爾游移哉據山陽公載記則昭烈實未及曹軍帝焉有釋操之事蓋世人多以俗情測聖故有此謬說是不可以不辨。

昭烈與周瑜圍曹仁於江陵別遣帝絕北道

魏志李通傳先主與周瑜圍曹仁於江陵別遣關公絕北道通率衆擊之下馬拔鹿角入圍且戰且前以迎仁軍。

十四年己丑五十歲

昭烈拜帝爲盪寇將軍襄陽太守駐江北

本傳先主收江南諸郡乃封拜元勳以公爲襄陽太守盪寇將軍駐江北

帝命楊威公爲功曹

蜀志楊儀傳楊儀字威公襄陽人也建安中爲荊州刺史傳羣主簿背羣而詣襄陽太守關公公命爲功曹

十五年庚寅五十一歲

昭烈使帝屯江陵

袁曄獻帝春秋孫權欲與先主共取蜀遣使報先主先主欲自圖蜀拒答不聽權遣孫瑜率水軍屯夏口先主不聽

軍過使關公屯江陵張桓侯屯秭歸詔葛武侯屯南郡先主自住潺陵權因召瑜還

遂築江陵城

酈道元水經注江陵舊城公所築公北圍曹仁呂蒙襲而據之公曰此城吾所築不可攻也乃引而退

昭烈從孫權借荊州

江表傳周瑜爲南郡太守分南岸地以給先主先主別立營於油江口改名爲公安劉表吏士見從北軍多叛來投先主先主以瑜所給地少不足以安民後從權借荊州數郡

吳志魯肅傳先主求都督荊州惟肅勸權借之共拒曹操
曹操聞權以土地業先主方作書落筆於地

吳志周瑜傳瑜上疏曰劉元德以梟雄之姿而有關張龍
虎之將必非久屈爲人用者愚謂大計宜徙元德置吳盛
爲築宮室多其美女玩好以娛其耳目分此二人各置一
方使如瑜者得挾與攻戰大事可定也今猥割土地以資
業之聚此三人俱在疆場恐蛟龍得雲雨終非池中物也
權以曹操在北方當廣攬英雄又恐先主難卒制故不聽
志程昱傳曹操征荊州先主奔吳論者以爲孫權必殺
先主昱曰元德有英名關張皆萬人之敵也權必資之以

禦我難解勢分元德資以成又不可得而殺也

汝霖謹案孫劉結盟非操之利觀作書落筆可見子敬固
自有識周瑜上疏孫權深以梟雄爲慮嗣後若蒙若遜逞
其狙詐之術襲取荆土以致曹氏得遂其篡逆之計而漢
卒以亡皆瑜之言有以啟之然則瑜之得罪漢室亦大矣
而權之言日子敬勸吾借元德地是其一短豈不謬哉

是年周瑜卒魯肅代領其兵屯陸口

魯肅傳肅屯陸口公與肅鄰界數生狐疑疆場紛錯肅常
以歡好撫之

吳志呂蒙傳魯肅代周瑜當之陸口過蒙屯下遂往詣蒙

蒙問肅曰君受重任與關口爲鄰將何計略以備不虞肅
造次應曰臨事施宜蒙曰今東西雖爲一家而關口實熊
虎也計安可不豫定因爲肅陳五策肅拊其背曰呂子明
吾不知卿才略所及乃至於此也

江表傳魯肅上代周瑜過蒙言議蒙曰兄今代公瑾旣難
爲繼且與關口爲鄰斯人長而好學讀左傳略皆上口硬
亮有雄氣然性頗自負好陵人今與爲對當有單復以御
待之密爲肅陳三策肅敬受之秘而不宣

汝霖謹案子敬代公瑾屯陸口之時武侯與張趙諸人俱
在荊州何以阿蒙畫策專及於帝蓋後日襲取荊州吳人

多震於其功而因以誇耀其智慧也

十六年辛卯五十二歲

益州牧劉璋遣法正迎昭烈使討張魯昭烈入蜀帝與諸

葛武侯守荊州

先主傳十六年益州牧劉璋遣法正將四千人迎先主正
因陳益州可取之策先主留諸葛武侯關公等據荊州將
步卒數萬人入益州

十七年壬辰五十三歲

帝與操將樂進相拒於青泥

先主傳先主遣使告璋曰樂進在青泥

一統志安陸州東
楠木山有青泥池

與關公相拒。今不往救進必大克。轉侵州界。

魏志樂進傳。樂進留屯襄陽。擊關公。蘇非等皆走之。

魏志文聘傳。聘為江夏太守。與樂進攻關公於尋口。又攻

公。輜重於漢津。燒其船於荊城。

汝霖謹案。樂進非帝倫匹。且是時武侯留守。張趙為之禦

侮。進焉能大克。蓋不過藉口請劉璋益兵之詞耳。至樂進

文聘二傳。乃魏人誇大之辭。不足為據。

十八年癸巳五十四歲

昭烈攻劉璋。龐統卒於雒城。

十九年甲午五十五歲

諸葛武侯與張桓侯趙順平侯沂流西上。惟留帝鎮荊州。

帝專制荊州自此始。

先主傳。諸葛武侯張桓侯趙順平侯等將兵沂流。定白帝

江州。江陽。惟關公留鎮荊州。

夏昭烈克成都。自領益州牧。拜帝董督荊州事。

先主傳。十九年夏。雒城破。進圍成都。數十日。璋出降。先主

自領益州牧。

本傳。先主西定益州。拜公董督荊州事。

張桓侯傳。益州既平。賜諸葛武侯法正侯及關公金各五

百斤。銀千斤。錢三十萬。錦千匹。

帝與諸葛武侯書問馬孟起人才武侯復書推帝在黔彭之上目爲絕倫

本傳公聞馬超來降舊非故人公書與諸葛武侯問超人
才可誰比類武侯答之曰孟起兼資文武雄烈過人一世
之傑黔彭之徒當與翼德並驅爭先猶未及髯之絕倫逸
羣也公美鬚髯故武侯謂之髯公省書大悅以示賓客
山陽公載記馬超與先主言常呼其字關公怒請殺之先
主曰人窮來歸我卿等怒以呼我字故而殺之何以示於
天下也明日大會請超入關張並仗刀立直超顧坐席不
見關張見其直也乃大驚遂一不復呼先主字明日歎曰

我今乃知其所以敗爲呼人主字幾爲關張所殺自後乃
尊事先主

汝霖謹案先主入蜀留帝鎮荊州帝未嘗在益土焉得立
直裴松之斥以虛謬是也

二十年乙未五十六歲

昭烈自蜀還公安遣帝爭三郡移屯益陽

吳志孫權傳權以先主已得益州令諸葛瑾從求荊州諸
郡先主曰吾方定涼州涼州定乃盡以荊州與吳耳權曰
此假而不反而欲以虛辭引歲遂置南三郡長吏關公盡
逐之權大怒乃遣呂蒙督鮮于丹徐忠孫觀等兵二萬取

長沙零陵桂陽三郡吳志呂岱傳建安二十年督孫茂等十將從取長沙三郡使魯肅

以萬人屯巴邱以禦關公權住陸口為諸軍節度蒙到二

郡皆服蜀志廖立傳權遣呂蒙奄襲南三郡惟零陵太守立脫身走自歸先主先主不深責也

郝普未下會先主到公安使關公將數萬兵至益陽權乃

召蒙等使還助肅蒙使人誘普普降盡得三郡將守因引

軍還與孫皎潘璋并魯肅兵並進拒公於益陽

吳志甘寧傳隨魯肅鎮益陽拒關公公號有三萬人自擇

營說士五千人投縣上流十餘里淺瀨云以夜涉渡肅與

諸將議寧時有三百兵乃曰可復以五百人益吾吾往對

之肅選千兵益寧寧乃夜往公聞之住不游而結柴營今

遂名此處為關公瀨酈道元水經注益陽縣有關公瀨所謂關侯灘也南對甘寧故壘

帝以荊州練兵屯穀可以長驅中原爰書之座壁以曉軍

中

荊州府志帝黏座壁書曰我安坐帳中然燭看春秋麕

大義齊襄復仇卓哉快事亂賊肆不顧忌我日夜圖報君

恩今此荊州扼咽喉上都練兵屯穀可讓人哉軍中人具

曉我意王復禮曰字大二寸行書在忠清里楊宅上有博古殿寶壘下有漢壽亭侯印

汝霖謹案荊州首吳尾蜀據腹心之會焉可讓人恭釋此

書知分荊州非帝意也世有謂昭烈不當得荊州其說大

謬方曹操之東下也魯肅親謂權曰劉豫州天下梟雄與

操有隙如使豫州撫劉表之衆同心治操天下可定也武侯請援於權權亦謂非劉豫州莫可以當曹操者蓋江東之人欲藉重於帝室之胄則逆正之勢旣明而士皆思奮有必勝之理使赤壁之下非先主親在行間權操均賊勝負未可決也荊州分地先主豈無謂而得之哉

魯肅與帝單刀會語帝以大義折之肅無以答

魯肅傳肅住益陽與公相拒肅邀公相見各駐兵馬百步上但諸將軍單刀俱會肅因責數公曰國家區區本以土地借卿家者卿家軍敗遠來無以爲資故也今已得益州旣無奉還之意但求三郡又不奉命語未究竟坐有一人

曰夫土地者惟德所在耳何常之有肅厲聲呵之辭色甚切公操刀起謂曰此是國家事是人何知且使之去

劉宣化三國策帝答魯肅曰昔高祖除秦暴而創洪基光武驅新亂而復舊物豫州親帝室胄君侯所知也因天下亂出死力百戰而有一州此彈丸之地卽封土不爲過而討虜坐擁江東之衆此豈有功德在先世儼然受南面之賞不過乘中州擾亂因而攘割之耳天命未改尺土漢有也吾久不向足下取全吳而足下更從吾取三郡此吾所不解也肅不能答

汝霖謹案此條明焦氏竑撰帝傳增入之義正詞嚴足令

聞者驚心褫魄矣。裴註引韋昭吳書所載魯肅答公，有愆德墮好貪，而棄義云云。強詞奪理，今不錄。

會曹操入漢中，昭烈求和於吳，遂分荊州。

孫權傳：未戰，會曹操入漢中。先主懼失益州，使使求和，遂分荊州、長沙、江夏、桂陽以東屬權，南郡、零陵、武陵以西屬先主。

蜀志：廖立傳立曰：昔先主不取漢中，走與吳人爭南三郡，卒以三郡與吳人，徒勞役吏士，無益而還。

二十一年丙申五十七歲

昭烈還成都

二十二年丁酉五十八歲

孫權陸口守將魯肅卒，權遣呂蒙代之。

呂蒙傳：魯肅卒，蒙西屯陸口。肅軍人馬萬餘，盡以屬蒙。與關公分土接境，知公驍雄，有并兼心，且居國上流，其勢難久。初，魯肅等以爲曹操尚存，禍難始構，宜相輔協，與之同仇，不可失也。蒙乃密陳計策曰：今征虜守南郡，潘璋住白帝，蔣欽將遊兵萬人，循江上下，應敵所在。蒙爲國家前據襄陽，如此何憂於操？權深納其策。及蒙代肅，初至陸口，外假修恩，厚與公結好。

汝霖謹案：魯子敬思慮深遠，同心輔協，有古大臣之風。其

答孫權書云帝王之起皆有驅除口不足忌無非欲固其
脣齒蒙不念同盟之義翦其爪牙而操挾天子以令諸侯
遂晏然得移漢祚操固漢賊而權亦不爲無罪乃權之言
曰子明圖取關口勝於子敬豈不愼乎

二十三年戊戌五十九歲

曹操將侯音等應帝

曹瞞傳南陽間苦繇役音執太守東里裒與吏民共反與
關公連和南陽功曹宗子卿往說音曰足下順民心舉十
事遠近莫不望風然執郡將逆而無益何不遣之吾與子
共戮力比曹公軍來關公兵亦至矣音從之卽釋遣太守

子卿因夜踰城亡出遂與太守收餘民圍音會曹仁軍至
共滅之

魏志龐惠傳侯音衛開等以宛叛惠將所領與曹仁共攻
拔宛斬音開

二十四年己亥六十歲

昭烈擊斬曹操將夏侯淵遂有漢中秋七月帝與羣臣表
立昭烈爲漢中王

先主傳二十四年秋羣下上先主爲漢中王表於漢帝於
於沔陽設壇場陳兵列衆羣臣陪位讀奏詔御王冠於先
主於是還治成都

昭烈拜帝爲前將軍假節鉞

本傳二十四年先主爲漢中王拜公爲前將軍假節鉞。

蜀志費詩傳先主爲漢中王遣詩拜關公爲前將軍公聞黃忠爲後將軍怒曰大丈夫終不與老兵同列不肯受拜詩曰夫立王業者所用非一昔蕭曹與高祖少小親舊而陳韓亡命後至論其班列韓最居上未聞蕭曹以此爲怨今漢王以一時之功隆崇於漢升然意之輕重寧當與君侯齊乎且王與君侯譬猶一體同休共戚威福共之愚謂君侯不宜計官號之高下爵祿之多少爲意也公大感悟遽卽受拜。

蜀志黃忠傳先主欲用忠爲後將軍諸葛武侯曰忠之名望素非關馬之倫也而今便令同列馬張在近親見其功尚可喻指關遙聞之恐必不悅得毋不可乎先主曰吾自當解之。

帝以廖元儉爲主簿

蜀志張翼傳廖化字元儉本名淳襄陽人也爲前將軍關公主簿公敗屬吳思歸先主乃詐死因攜持老母晝夜西行會先主東征遇於秭歸先主大悅以化爲宜都太守孫權求婚於帝帝絕之辱其使

本傳權遣使爲子索公女公罵辱其使不許婚權大怒。

汝霖謹案東吳諸人名魏仇讐實漢蠹賊赤壁之役昭烈奮身矢石以啟全荆而權百計忿爭必瓜分而後已其肝膈固可洞見帝睥睨其人曾斗筭弗若而肯俯與婚乎善乎唐荆川之言曰武侯以吳可與爲援而不可圖先主亦甘與之結婚而不以爲嫌惟帝忿然絕其婚損不與通竊意當時能知吳之爲漢賊志必殺之者帝一人而已。

八月帝自江陵攻曹仁於樊禽曹操將于禁

魏志于禁傳建安二十四年曹操在長安使曹仁攻關公於樊又遣禁助仁秋大霖雨漢水溢平地水數尺禁等七軍皆沒禁與諸將登高望水無所回避公乘大船就攻禁

等禁遂降

孫權傳公以舟兵盡虜禁等步騎三萬送江陵。

浩周東里袞俱沒

魏略浩周字孔異上黨人建安中仕爲蕭令至徐州刺史後領護于禁軍爲關公所得東里袞爲于禁軍司馬與周俱沒。

龐惠死之

魏志龐惠傳惠親與公交戰射公中額時惠常乘白馬謂之白馬將軍仁使惠屯樊北十里會天霖雨十餘日漢水暴溢惠與諸將避水上隄公乘船攻之以大船四面射隄

上憲被甲持弓箭不虛發自平旦力戰至日過中公攻益
急矢盡短兵接戰吏士皆降憲與麾下將一人伍伯二人
彎弓傳矢乘小船欲還仁營水盛船覆失弓矢獨抱船覆
水中爲公所得

遂圍樊襄陽

魏志徐晃傳會漢水暴溢于禁等沒公圍仁於樊又圍將
軍呂常於襄陽

魏志曹仁傳仁人馬數千人守城城不沒者數板公乘船
臨城圍數重外內斷絕糧食欲盡救兵不至仁激厲將士
示以必死將士感之皆無二

魏志滿寵傳公急攻樊城或謂曹仁今日之危非力所支
可及公圍未合乘輕船夜走寵曰山水速疾冀其不久關
公遣別將已在邲下自許以南百姓擾擾公所以不敢遂
進者恐吾軍騎其後耳今若遁去洪河以南非復國家有
也仁曰善乃沈白馬與軍人盟誓

自許以南往往遙應帝威震華夏

魏志管寧傳陸渾長張固被書調丁夫當給漢中百姓惡
憚遠役並懷擾擾民孫狼等遂南附關公公授印給兵
本傳梁邲陸渾羣盜或遙受公印號爲之支黨公威震華
夏

王璽出漢水帝上之昭烈

先主傳前關公圍樊襄陽男子張嘉王休獻玉璽璽潛漢

水伏於淵泉暉景燭曜靈光徹天楊真古文韻語玉璽璽字下有云得之漢水帝

為牋上漢中王曰十三字

孫權遣使求助帝忿其淹遲絕之權手書謝

魚氏典略公圍樊權遣使求助之勅使莫速進又遣主簿

先致命於公公忿其淹遲又自以已得于禁等乃罵曰貉

子敢爾如使樊城拔吾不能滅汝耶權聞之知其輕已偽

手書以謝許以會往

連呼劉封孟達將兵自助不至

蜀志劉封傳自關公圍樊城襄陽連呼封達令發兵自助

封達辭以山郡初附未可動搖不承公命會公覆敗先主

恨之達率所領降魏封還成都先主賜封死

帝撤南郡公安備兵赴樊

呂蒙傳公討樊留兵將備公安南郡蒙上疏曰討樊而多

留備兵恐蒙圖其後故也蒙常有病乞分士卒還建業以

治疾為名必撤備兵盡赴襄陽大軍浮江晝夜馳上襲其

空虛則南郡可下也遂稱病篤權乃露檄召蒙還陰與圖

計公果信之稍撤兵以赴樊

曹操遣徐晃屯宛助曹仁不解

徐晃傳曹操遣晃助曹仁屯宛晃所將多新卒以公難與爭鋒遂前至陽陵陂屯操復遣將軍徐商呂建等詣晃令曰須兵馬集至乃俱前

于隱蜀記公與晃宿相愛遙共語但說平生不及軍事須與晃下馬宣令公謂晃曰大兄是何言耶晃曰此國之事耳

十月操用司馬懿蔣濟之計遣使勸孫權躡其後

魏志蔣濟傳公圍樊襄陽曹操以漢帝在許近敵欲徙都司馬懿及濟說操曰劉孫外親內疎關公得志權必不願也可遣人勸躡其後許割江南以封權則樊圍自解操曰

其言

權與羣臣陰議襲帝

吳志是儀傳呂蒙圖襲關公權以問儀儀善其計勸權聽之

吳志吳範傳呂蒙謀襲關公議之近臣多曰不可權以問範範曰得之

吳志全琮傳關公圍樊襄陽琮上疏陳可討之計時已與呂蒙陰議襲之恐事泄故寢琮表不答

陸遜代呂蒙守陸口遜致書於帝詞甚謙下帝意大安遜具啟形狀

吳志陸遜傳呂蒙稱疾詣建業權問誰可代卿者蒙對曰
陸遜意思深長才堪負重觀其規慮終可大任權乃召遜
拜偏將軍右都督代蒙遜至陸口書與公曰前承觀釁而
動以律行師小舉大克一何巍巍敵國敗績利在同盟聞
慶拊節想遂席卷共獎王綱近以不敏受任來西延慕光
塵思稟良規又曰于禁等見獲遐邇欣歎以爲將軍之勲
足以長世雖昔晉文城濮之師淮陰拔趙之略蔑以尙茲
聞徐晃等步騎駐旌闕望麾葆操猶虜也忿不思難恐潛
增衆以逞其心雖云師老猶有驍悍且戰捷之後常苦輕
敵古人杖術軍勝彌警願將軍廣爲方計以全獨克僕書

生疏遲忝所不堪喜臨威德樂自傾盡雖未合策猶可懷
也倘明注仰有以察之公覽遜書有謙下自託之意意大
安無復所嫌遜具啟形狀

權潛軍而上

陸遜傳權乃潛軍而上使遜與呂蒙爲前部至卽克公安
南郡

呂蒙傳蒙至尋陽盡伏其精兵艣中使白衣搖櫓作商
賈人服晝夜兼行至公所置江邊屯候盡收縛之是故公
不聞知

糜芳傅士仁皆降

本傳南郡太守糜芳在江陵將軍傅士仁屯公安素皆嫌公自輕已公之出軍芳仁供給軍資不悉相救公言還當治之芳仁咸懷懼不安於是權陰誘芳仁芳仁使人迎權張勃吳錄初南郡城中失火頗焚燒軍器公以責芳芳內畏懼權聞而誘之芳潛相和及蒙攻之乃以牛酒出降蜀志

糜竺傳竺弟芳爲南郡太守與關公共事而私好攜貳叛迎孫權公因覆敗

吳書將軍士仁在公安拒守蒙令虞翻說之翻至城門謂守者曰吾欲與汝將軍語仁不肯相見乃爲書曰明者防禍於未萌智者圖患於將來知得知失可與爲人知存知亡是別吉凶大軍之行斥候不及施烽火不及舉此非天

命必有內應將軍不先見時時至又不應之獨守縈帶之城而不降死戰則毀宗滅祀爲天下譏笑呂虎威欲逕到南郡斷絕陸道生路一塞按其地形將軍爲在箕舌上耳奔走不得免降則失義竊爲將軍不安幸熟思焉仁得書流涕而降翻謂蒙曰此譎兵也當將仁行留兵備城遂將仁至南郡南郡太守糜芳城守蒙以仁示之遂降

汝霖謹案帝鎮荊州論者疑其輕賢慢士致糜傳叛去此謬也荊州諸將糜傳鄙夫耳卽不叛去何益於數彼郝普小有意而守不堅不免爲吳所譎帝目中安得有之且軍資不給當以軍法從事使帝不加之意不亦失其所以爲

將者乎。然則帝之專制荆州，幾振而隕者，天不祚漢，於人則奚尤矣。

呂蒙據江陵

呂蒙傳：蒙入據城。卽江陵。盡得公及將士家屬，皆撫慰，約令軍中不得干歷人家，有所求取。蒙旦暮使親近存恤耆老，問所不足，疾病者給醫藥，飢寒者賜衣糧，府藏財寶，皆封閉以待權至。

蔣欽督水軍入沔

吳志：蔣欽傳：權襲關公，欽督水軍入沔。

孫桓誘降帝將士於華容

吳書：孫桓儀容端正，權擢爲武衛都尉，於華容誘公餘黨，得五千人，牛馬器械甚衆。

陸遜別取宜都，宜都守樊友委郡走，遜還屯夷陵

陸遜傳：遜逕進領宜都太守，拜撫邊將軍，封華亭侯。先主宜都太守樊友委郡走。

孫權傳：陸遜別取宜都，獲秭歸、枝江、夷道，還屯夷陵，守峽口以備蜀。

潘濬入吳

蜀志：潘濬傳：先主領荊州，以濬爲治中從事。先主入蜀，典留州事。孫權并荊土，拜濬輔軍中郎將。

蜀志楊戲傳潘濬贊注潘濬字承明武陵人也先主入蜀以爲荊州治中典留州事亦與關公不穆孫權襲公遂入吳至太常封侯

江表傳權克荊州將吏悉皆歸附而濬獨稱疾不見權遣人以牀就家輿致之濬伏面著牀席不起涕泣交橫哀咽不能勝權慰勞與語呼其字使親近以手巾拭其面濬起下地拜謝卽以爲治中

汝霖謹案此卽孟達與昭烈書所云荊州毀敗大將失節百無一還者也

帝聞引軍南還

魏志董昭傳關公圍曹仁於樊孫權遣使辭以遣兵西上欲掩取關江陵公安累重關失二城必自奔走樊軍之圍不救自解乞密不漏令關有備曹操詰羣臣羣臣咸言宜當密之昭曰軍事尙權期於合宜宜應權以密而內露之關聞權上若還自護圍則速解秘而不露使權得志非計之上又圍中將吏不知有救計糧怖懼倘有他意爲難不小露之爲便操曰善卽勅救將徐晃以權書射著圍裏及公屯中圍裏聞之志氣百倍公果猶豫

呂蒙傳公還在道路數使人與蒙相聞蒙輒厚遇其使周遊城中家家致問或手書示信公人還私相參訊咸知家

門無恙見待過於平時故公吏士無關心

曹操勅曹仁等勿追

魏志趙儼傳關公圍曹仁於樊儼以議郎參仁軍事既到便作地道箭飛書與仁消息數通北軍亦至并勢大戰公軍既退舟船猶據沔水襄陽隔絕不通而孫權襲取公輜重公聞之即走南還仁會諸將議咸曰今因關危懼必可追禽也儼曰權邀關連兵之難欲掩制其後顧關還救恐我乘其兩疲故順辭求效乘釁因變以觀利鈍耳今關已孤宜存之以爲權害若深入追北權則改虞於彼將生患於我矣王必以此爲深慮仁乃解嚴操聞公走恐諸將追

之果疾勅仁如儼所策

帝擲甲於山中

荊州府志擲甲山在江陵縣龍山門外西北隅相傳呂蒙襲南郡帝還救聞糜芳以城降憤而擲甲於此

還保麥城

孫權傳關公還當陽西保麥城權使誘之公立旛旗爲象人於城上因遁去兵皆解散尙十餘騎

十二月帝率聖嗣與趙都督至漳鄉並遇害

孫權傳權先使朱然潘璋斷其徑路十二月璋司馬馬忠獲公及其子平都督趙累等於漳鄉

蜀記公初出軍圍樊夢猪嚙其足語子平日吾今年衰矣然不得還

汝霖謹案帝之諱日史亦失傳據孫權傳當在建安二十四年十二月

孫權以諸侯禮葬之

吳歷權以諸侯禮葬其屍骸

帝長目隆準聳顴闊頰面如赤瑠有數黑子若列星美髭髯

方正學詩虬髯虎眉面赤瑠寶刀白馬提三軍

汝霖謹案宋宣和歷代名臣冊帝像係長目隆準聳顴闊

頰美髭髯面有黑子數點朗若列星

雄壯虎烈

蜀志楊戲傳季漢輔臣贊關張趙趙出身匡世扶翼攜上雄壯虎烈藩屏左右翻飛電發濟於艱難贊主洪業倅迹韓耿齊聲雙德

左臂嘗爲流矢所中醫請刮骨去毒帝伸臂令醫劈之

本傳公嘗爲流矢所中貫其左臂後瘡雖愈每至陰雨骨常疼痛醫曰矢鏃有毒毒入於骨當破臂作瘡刮骨去毒然後此患乃除耳公便伸臂令醫劈之時公適請諸將飲食相對臂血流離盈於盤器而公割炙引酒言笑自若

鑄寶刀二出入提攜

陶宏景古今刀劍錄關公自採都山鐵爲二刀銘曰萬人公敗公惜刀投之水中水爲之沸

汝霖謹案刀劍錄又載先主以章武元年採金牛山鐵鑄入劍各長三尺六寸一與關公此宏景之誤也章武元年帝已歿二載焉有賜劍之事

牧荊州九年翻飛電發於衡山西北鑄銅柱爲界

一統志衡州府衡山縣西北一百二十里帝與吳程普分界處共鑄銅柱爲誓

其城西爲建幟處卽所謂摩旗臺也

荊州府志摩旗臺在荊州府城西五里相傳帝鎮荆建幟處

又築城江上以防敵

樂史太平寰宇記蚌城在江中鷺尾洲上相傳年飢人民結侶拾蚌止息於此故以爲名城卽公所築以防吳魏
荊州府治中有石馬槽爲帝飼馬物後人牽馬飲此輒鳴躍不前蓋靈威之所攝遠矣

荊州府志石馬槽在荊州府治內相傳帝飼馬物今隸卒飲馬於此輒鳴躍不前

嘗以刀卓地有水湧出其甘如醴

一統志卓刀泉有二。一在武昌府城東十里。世傳帝嘗卓刀於此泉側。一在常德府城西三十里。崔婆井旁。相傳帝過此而渴。以刀卓地出泉。嘉其甘冽。又名清勝泉。

京山無水渴甚夜有虎噪馬驚跑地得泉

一統志馬跑泉在京山縣北十五里。帝嘗駐兵於此。山無水。士卒渴甚。夜有虎咆哮。馬驚跑地。因而得泉。

其忠誠所格通乎神明。皆此類也。金戈鐵馬中。雍容儒雅間。寫風雨竹一幅。題以五言。

陳氏獻策曰。帝作竹一幅。雜以五言於其間。久刻石於晉陵。今復勒之金山。以廣其傳。風竹詩云。不盡東君意。丹青

獨立名。莫嫌枝葉淡。終久不凋零。雨竹詩云。大業脩不然。鼎足勢如許。英雄淚難禁。點點枝頭雨。

汝霖謹案竹詩石刻。宣德間徐州創鐵佛寺。剷地得之。

大字尤雄勁

沈泰灝關帝紀。荆州府有帝親書三秦雄鎮四大字。匾題曰。郡主關某書。

嘗篆書十二字。以勉人曰。讀好書。說好話。行好事。作好人。帝之識議如此。

汝霖謹案朱子有篆蹟贊。

故能勇而有義。為漢忠臣。

傅子關張勇而有義皆萬人之敵

權既陷帝明年曹操卒子丕篡漢又明年昭烈卽位改元章武七月昭烈自將伐吳

先主傳秋七月遂帥諸軍伐吳

魏志劉曄傳丕問羣臣令料劉主當爲關公出報吳否曄曰蜀雖狹弱而劉主之謀欲以威武自彊勢必用衆以示其有餘且關公與劉主義爲君臣恩猶父子公死不能爲興軍報敵於終始之分不足

臨發張桓侯爲左右所害

蜀志張桓侯傳先主伐吳桓侯當率兵千人自閬中會江

州臨發其帳下將張達范疆殺侯持其首奔孫權

昭烈留趙順平侯督江州

趙雲別傳先主欲討權雲諫曰國賊是曹操非孫權也且先滅魏則吳自服操身雖斃子丕篡盜當因衆心早圖關中居河渭上流以討凶逆關東義士必裹糧策馬以迎王師不應置魏先與吳戰兵勢一交不得卒解也先主不聽遂東征留雲督江州

孫權請和不許

吳志諸葛瑾傳先主東伐吳孫權求和瑾與先主箋曰奄聞旗鼓來至白帝或恐議臣以吳王侵取此州危害關公

後漢書
忽深禍大不宜答和此用心於小未留意於大者也試爲
陛下論其輕重及其大小陛下若抑威損忿暫聽瑾言者
計可立決不復咨之於羣后也陛下以關公之親何如先
帝荊州大小孰與海內俱應仇疾誰當先後若審此數易
如反掌

遂遣陸遜督諸軍拒守

陸遜傳先主率大衆來向西界權命遜爲大都督假節督
朱然潘璋宋謙韓當徐盛鮮于丹孫盛等五百人拒之。

明年夏六月昭烈爲陸遜所敗

先主傳二年夏六月陸遜大破先主軍於猇亭先主自猇

亭還秭歸收合離散兵遂棄船舫由步道還魚復改魚復
縣曰永安

又逾年而昭烈崩

先主傳三年夏四月癸巳先主殂於永安宮。

葛洪神仙傳仙人李意其蜀人也傳是漢文帝時人先主
欲伐吳遣人迎意其問以吉凶意其不答而求紙筆畫作
兵馬器仗數十紙已便一一以手裂壞之又畫作一大人
掘地埋之便逕去先主大不喜而自出軍征吳大敗還忿
恥發病死衆人乃知其意其畫作大人而埋之者卽是先
主死意

汝霖謹案帝與張桓侯事昭烈誓同生死及昭烈入蜀帝
留鎮荊州獨當一面襄樊之役幾復漢矣不幸而操權合
謀圖帝帝死而曹氏篡昭烈與桓侯出師復讐桓侯死而
昭烈崩始則帝與桓侯以死事昭烈終則昭烈與桓侯以
死報帝劉子揚所云終始之分於斯見之矣

鄒余編輯 武聖年誼一卷歲辛亥同里錢小園錢省川
二學博爲之槩行而校勘者則陳東堂明經也賊擾後板
多焚燬客冬海溪蔣海珊部曹朱蘭第司訓講忠義事蹟
不宜湮沒爰付劄牘氏補其闕夫以 武聖之比蹤洙嶧
豈末學謫陋所能闕濇而諸君子表章之心前後一轍矧
兼彝之好同與工既竣爲述其崖畧如右
同治己巳初夏當湖柯汝霖謹識於烏程學舍

